

# FLOREAN DAL PALAZZ

- AL SALTE FUR LA JOIBE -

OGNI DOI NUMARS 5 CENTESINS L'UN — BEZ SUBIT

Si vendin la vie da l'Edicola e la dai Tabachins in plasse Contarene e in Borg. S. Bartolomeo.

**Abonaments** par l'interno un An quattri francs; 6 mes doi francs; par l'estero il doppi.

**Inserzioni:** indidisi ou l'Amministrazione. Mandà bez cun letare raccomandade o in vaglia postal al sempris indirizz: — **Amministrazione dal Florean dal Palazz, Udin** —

## OMNIBUS DI FLOREAN

Il *Citadin Talian* citand un telegramme di Rome al dà la biele gnove che il *Ministro Correnti* al ul imponi une *tasse su lis onorificenzis* che gioldin i Cavalirs, che in chesg timps di fum senze rost si ciatin tang te nestre benedete Italia. Era tang strambolòs, fra tang fai, fra tantis porcatis che si son vidudis si lafè che finalmentri al par che i nestris ministros e fasin judizi, e che senze piardi il mistir di meti ogni di gnovis tassiss an metin une di simpatie universal, val a di sui titolas, che dugg son siors di prin ordi, gioldin i miors impiegos, e di cui l'è tant grand il numar, che al manca poc che cumò che son cognossudis lis virtus dai mostachs dei giàz no si fasin cavalirs i plui bràs fra chesstis bestis tant benemeritis da l'umanitat.

Jò però o orod che estindinsi la plante di cheste tasse, (che chei che studiin l'economie la clamin *a larga base*) come che jere che dal macinato al ciatarà dal Ministro convenient e just di estindile dai Cavalirs a dugg i titolas, a dugg i lustrissims, a dugg i Onorevui, a dutis lis *Eccellenzis*, inclusivamentri ai Vesqui che no si sà nè parcò nè parcò che usin di fassi clamà qua chesstitul da pos agne in ca.

Vieramentri i competial ai Vesqui chesst titul? Mi ricuardi di vè lett a chesst propost un articul dell' *Esaminator* di buine memorie, che al voleve simpri predicià al defont Ciaseseole il qual al jere il plui sord di dug i sords parcò che bôl voleve sinti o nol podarè dapi, e jo n' replicarai qualchi buine rason che al puartave in campò.

Ma prime uei ricuardà un fatt sucedut in plasse dal Firci dula che jo Florean, o stavi une volte di cinsc, in servizi dai Cons Turians.

A un di chesg i saltà il gri tal ciap di fassi clamà *Zelenze*. Chell dal Cisciell, che al comandave la *Patrie dal Friul* guardait di no oonfondile cun che de Roe) apene al cognossè cheste dagnene, squasi che al foss stat un afar di la ciadè la Republiche, al sberlà subit: *Alto là*, e dal so Segretari al fò intimat di mai plui fassi clamà *Zelenze*. Il Turian sald tal so caprizi al voleve imbuzarassi dal comand del *Lugtignint* e l'afar al fo mandat a Vignesiè. Chei partecòs a decideria che un Cont di nascite Milanese par quant grand che al foss hol podave fassi clamà che *Lustrissimior Cont*, e che il titul di *Zelenze* al partignive ai Nobli Venezians dal libri d'aur, parcò che fusevin part de Sovranitat, e costituvin la *Signorie di Vignesiè*. Il Turian al vè la minacie di jessì sfratat, se nol abidive, e par il zà fatt, une multe in no sai ce tang ducàs di pajassi *ad capsam publicam*.

Mi riguardi simpri la bile che al ciapà il mid paron al ricevi cheste sentenze!! Un servitor che al lè a fevelai di no sai ce in chesst moment al ciapà une pidade tai c.... cussi juste che par un mes a lung nol fassèv altri che maledì il paron, il Lugtignint, la Republiche e ance il titul di *Zelenze* cause de so disgrazie. Studiav lis crotchis vecis e vedarès se jè veretat o invenzion!

Ore tornand a l' *Esaminator*, al diseve Vogrig, che il titul di *Zelenze* al spiete ai *gentilumin venezians*, e quindi ance a un Vescul se l'aparten a une famee dal libri d'aur, ai *generai comandans d'esercit*, ai *Principis romans*. Sott l'Austrie ai *Conseurs intins di Stat*, ai *Ministros di Guvior fin che stan in cariche*, dugg i *Ambasiators*, *Nunzios* ecc. fin che al durre il lor mandat e ance a ciartis determinadis carichis di Cort, e a Rome, specialmentri, a chei soi Prelaz che ocupin puest, tal qual al pò sta

ance un secolar.

Amitùt par ver il dètt da Vogrig, che al sarà simpri ver, finchè qualchidun al dimostrarà il contrari: jò, Florean dal Palazz o dis:

1. che il Ministro al farès benop a meti une tasse special a chei che al clàmin *Zellenze* anco di plen titul.

2. che la istesse tasse vès di jessi aplicade a dugg chei che usin o permetin ch'est titul, e che no han il lor bon dirit, cu la zonte di une buine multe, tant pai Vescui che, par qualsei altri.

In tiaz lug o prearès il nestri bon, dotti e gnuv. Arcivescul, tant ativ e premuros in dutt e par dutt, di ocupassi di ch'est argoment, e se mai al ciatàs buinis lis rasons araldichis di Vogrig al si des pinsid di jessi lui (comè omp just e che nol ol chell che no i compèt) il prim a ordenà, e comandà e olè che il so titul al foss come une volte *Illustrissim e Reverendissim Monsignor* e di consequenze al regolàs ju abus vignùs tal cialunis, e in altris carichis di sgionfassi come lis raris e di fassi viodi plu di chel che si è.

Se poi il fatt da me contàt dal Turian al ha qualche pès par un bon judizi, che lu calculi par tant che al vala.

Vive dunce al Ministro Correntine a chell diaul che prin al ha avut chell biel piusir de gnove tasse, e che come di solit e parturirà anco des bielis multis.

O spieti la rispueste o cul fatt, o cun buinis rasons tal *Cittadin Talian*.

## FLOREAN IN CATEDRE

E cù lu scolte? — Nissun! E alore no faressial mjei a tasè? Sgnachete! la voleva el... anzi... — Biel sugo, par diè, fevelà al mur l'istess, mi par a mi, che fa la barbe al muss — Chale poi de gustibus. Ce fasial il *Giornal da Udin*? — Insumis, nùl o no nùl, jò o scomenzi e *qui vult capere, capiat* — Anco latinorum? — Diaul, cò catedra, no si scherze — Biel pais l'Italie, no l'è verè? — Oh si po, si; nol è nùje in contrari ma... Ce ma...? spiegiti — Eoo, dirai... noaltris, viodistu, o via aduèss il grun malan di possedè (*servum pecum*) un grum, o pluitost une montagna di lez, a la mode de Franzel, là che fuars manco occor, e di no vent pur une di numar d'ulè che invece fares unmont di bisugne, in materie cioè di *eminènt ordin publich* come par esempi (fra

i milante) d'impedì i *cussides matrimoniales ecclesiastichs* che a pretes di libertat si *assin cori, si lassin passà* (sisteme Depress) impunementri cun tant giubilo dai predis e cun altrettant scandal dai ben pensans, e chell che al è piès, cun gravissim pericul des fameis interiis (basse de societate) lis quals su la buine fede e te lor beade ignoranze (coltivade acuramentri da la sette nere) metin a ris-cio il propri onor e, magari no ben di spess, anco la proprie rovina econometriche. Giubilo dai predis, o disevi parçè che lor in ch'est ram d'*industrie* e spadronegin come prime, ti fasin lis lor bravis publicazions dall'altar, ti uelin vè da la Curie la prove zurade che no esistin impediments in *faciæ Ecclesiae*, on in cas afirmativ, che fò *pagade* regolarmentri la dispenze ti bechin lis lor tassias, e lor regalùs ecc. ecc. mentri intant si gabin i dièss dal Stat, si contravèn a une lez *general di ordin publich* che ul in *Matrimonii Civil coram Syndaco*, si tolere par cussid di li concubinat, si favoris in dann de prole legittime, la bastarderie si esponin ai plui omibii tradimens lis puaris fantatis che qualchi Giuda da la zornade ciato il so coht, dopo velis gioldudis, di fai come si diis il ball dall'implanton ecc. ecc. Scandal dai ben pensans, disevi pur, i qual no puedin dassi la pàs e si maravein altamentri e dolorosamente che une Nazione civil puedi soportà plu a lung di chegs orors e di ch'estis vergognis. Ma... si diis, l'ignoranze de lez no scuse. *Dignum ets justum est* però lu san anco i miei stival, che ogni regule ha la so eccezion. Badait, animis claris a l'origine di cheste lez gnovissime par noaltris, badait che fas i pugns (ben intindut ai voi de maggioranze plu o mancol zuccone) cu la lez religiose manipolade sin cumò da la preterite ostil, dure, sorde, ustinate, autoritarie; e chi più vi ha più ne mettà, badait che da uè a doman il popolin, spezie chell de campagne, (che ha vut simpri par scuete la Glesie) a no si cambi, e che i disordins invece si ripetin, si moltiplehin ogni di, ogni ore, ogni moment. Altri cha fotis? *Non verbis sed factis stantur*!

## CORISPONDENZE DI FLOREAN

Mortéan 28 di Maj.  
Perdonimi se mi ciol la libertat di scrivi dos riis; come che mior o pues par-

ceche no soi leterat; o soi un puar artist.  
Volevi fevelati un poc in proposit dal nestri  
sior Plevan che za tu lu cognossaras ce  
gialine che al è. Sicome che tu mi fevelis  
di plevans e il nestri culi no tu lu has mai  
iniment sul rispetabil, umoristich, e pregiat  
bò sfuer dei propri contati in quatri di lui  
che tu fasis divertì anco i mortehés cul  
tò benedet sfuer che ogni joibe io m'ingrassi  
a leilu. Sicome che cumò za tu sas al è il  
mes di mai, ogni sere a jè predice in glesie.  
Lui pò invèce di fa la so brave predice e  
come che la fasevin dugg i altris plevans,  
sastu ce che al predice? Une sere al ha  
fat l'infar parceche culi in pais e han  
mitut fur il sfuer di Giordano Bruno e an  
d'ha ditis une par pèi di ches puar martir  
e di ogni ingurie. Un'altra sere al ha  
prediciat sore lis fantatis dal pais, ches che  
van leadis ou la cimosse, che nol ul asso-  
lutamentri viodilis pal pais cu la cimosse  
tiradis su, no ocor che vèvis che braure  
par ve ches giambis gruessis; mostrà che  
giambate ecc. ecc. Dute la int rid in gle-  
sie, tu pus crodi. Ir l'altri l'ha prediciat  
sore lis fantatis instess che nol ul che  
puartin i Zucni cui floes parsore, che al è  
un gran peciat a puarta floes, galis, sui  
vistics. Pò sun chei fantaz che van a morosa,  
al ha fat l'infar. Al ha dit che i paris e  
lis maris che no lassin mai solis lis fiis a  
morosa, e po al ha dit: *ce ocor morosa?*  
*Quand che un fantat al ha voe d'une fan-*  
*tate che al vadi in ciase che al feveli*  
*cui genitors, che al vadi dos vallis solis a*  
*viodile, a mangià quand che cene o quand*  
*che guste e po che la sposi. Ce ocor morosa?*  
*Che fasin nomie grang peccis. Si dan la man*  
*ecco un pecciat si avisinin, si dan une bu-*  
*sade, ecco un sacrilegio, e po in seguit sa-*  
*crilegios, sore, sacrilegios. Se uelin propri*  
*là un mes doi a morosa, che vadin in pre-*  
*sinze dei genitors e che stedin un bon metro*  
*lontan da la morosa.*

Dunco tu vios ce qualitat di predis. Dute  
la int ridin, e fasin bacani. Eestuadis ches  
pioris che al ha sott di lui. Lis sos anco-  
lis, che di ches mi riservi un'altra di a fati  
la spiegazion che jè un poc lungite, ma  
e jè magnifiche. Pò ti dirai anco che al  
fas il comerciant sub diviers articuli che  
in seguit se tu orodis di scrivi e ti dirai  
dutt. Par esempi cumò al fas comercio su  
lis cianderis. Al ul falis vigni lui di Milan.  
Infati an dè tantis e tantis di chei febo  
che no l'uchas une idee. Dunco par uèvo  
ti lassi perdonati prei set i hai sociat. N. N.

Cian Florean, 27 mai.  
Tu savas Florean, miò che culi tal  
pais dal progress, e jè implantade (tal pantan)  
une gnove societat di cronsg.

Bisugne che tu sepi che tal centro dal  
pais, e son une clape di malintendus, che  
dugg chei che passin par lon disgrazie,  
e han di zozzulaju; o parceche al è vecio,  
o parceche al è brutt, o parceche al è biell,  
o pal mud di ciaminà, o pal vestiment;  
tant po che al sedi omp, che femine, che  
frut o chei che si sei, e specialmentri pe-  
zoveptut o pal vecios, e colin lis maldi-  
cenzis dai bravos de companie, de cronache,  
insume dugg chei che han la brute com-  
binazion di passà par lì e sintin lis sôs in  
ondin par denant e par deur.

Bisugne che tu intindis anco che fra-  
lor si dan el non e anco il grad e nuje-  
manco che diventin maresciat tegnantes e  
ciapitanis in l'un moment, e dopo e han  
anco il colognel che al comande a dugg i  
siei socios.

O ti dirai in t'une orele che culi e sin-  
stus e stracs di chestis robis; cussi si ri-  
volan a ti par che tu publichis chestis  
quatri peraulis sul to pregiat e benedet  
(par simpri) sfuer onde si svergonzin un poc  
e che finissin di fa ju purcinei di piazze.

Oh! progress, progress! Dula nus puar-  
tistu? In l'un fondon di malizis? No isal  
mior mo che capiti sta che nus puarti vie  
chesg maldicens, cussi dopo, almanco, no  
sintarin di chestis storis, e no diventares  
rosse tante zovèntut, tant feminil che ma-  
schil. Par uè vot, se no son calmas chei  
siors de cronache sponce i melarin la liste  
da hors.

A. D. N.  
**LA ZAE DI FLOREAN**

Q. ncevi e o publichis.  
Storie succedute tal Classi di san Svual  
di une massarie cumò di fresco tal molin  
di Francesco fur del puarte di Grizzan  
une robe che par fin dal impusibil, cu  
che no la sà.

E se no uelin crodi che si informin ben  
dal se paron che al è impiegat sul Mont  
Vizens Ciastelan di talune cronache mioral

Cumò i contafai la pantumine genuine  
corno che jè stade.

Dunco cheste massarie e fruzzà la blave e dopo ben intindut la metè tal sach e la puartà a mazanà e la consegnà al famei; siche dopo e va ciase e no si visà più in fin che la sere che bulve l'aghe te cialderie par fa la polente. Alora e va vie chin furie in tal mulin par cioli la farine. Dunco al veve in consegna il famei ches sach; il famei nol jere, alora i disè al paron: mi hal mazanade la blave. Il paron ben intindut nol saveve di cheste blave e i disè: viod là se te ha mazanade. Je alora ben intindut e ciapsè su il sach e i consegnè i siei bez e vie curind a ciase e do jè rivade al puest e disle: il sach e jù in te panarie la blave che erodeve che foss stade la farine!

E no jè visade in fin che no jere a miezz butajù se jere blave o farine. Alora e festà persuadude che la blave e jere come che la veve fruzzade. Mi par che nance cheste no jè di butà vie.

«Mi scrivim e o publichi:»

Una persone degne di fede, mi ha ripartit i particulars d'un discours vut cun un ciart A. F. sul rapuart che e veve sintut a di che a Udin si varès viart un gnuv tempio di evangelizazion da un Comitè talian par la divulgazion dal vanzeli.

Olesò sinti de che i ha rispindut ohel Sior A. F.?

Io o sol content di parturi quana che a Udin si viodarà viart un gnuv local di evangelizazion.

Cun cheste rispueste rabiose ognun al po capi che il A. F. al amè la solidarietà plui che il ben de opare evangeliche, parceche invece di sinti displazè, al dovares jessi content che a Udin in lug d'un tempio evangelic e fossin magari ance quatri o cinq di chesg local i quai e sarassin simpri uti par la riforme religiose in cheste citat che dà une vorè a desiderà.

Cussi la pensi jò; e se il A. F. al è di un pensir contrari i suguni che nol si verifichi il cas di parturi parceche no se varès par ce bande che al varas di sodistà il so desiderii.

O ha ricevut di iassiss letaris che mi solecitin a scrivi cuintri lis zarlataperis dal predicator di San. Pieri Mantar.

O vevi intenzion di scrivi qualche classe

di salat e impexarat sun ches argoment, il timp e il spazi no mi permett di jalu, tant plui che un mio special colaborator mi ha promitut un so articul ad hoc cui floas.

O ricev e o publichi:

A prova la gran facilitat d'intindi il nestri dialèt, ti mandi ches pizzol saggio di traduzion da la mari lenghe:

**TALIAN**

Teneh vivo, caro mio, il padron voglio esser io, e sol quando sarò morto, a nessun farò più torto.

**FURLAN**

Sin che sei viv, clar mio, uel jessi paron jò, sol quand che sarai muart, a nessun farai più di tuart.

Zurie, se ti par, a chei siors dal Municipi che finza di no capi pareò, che no ur sta ben.

Saludimi il coleghe Costantin e ciao.

**LETTERATURE DI FLOREAN**

**I VIARS DI PRE COSTANTIN**

Ahi Costantin di quanto mal fu matre, no la to brute piche,

o la tante cragnose e antabacade,

ma il to gياج in furian che a tang ha squancèssat

lis cuestas pal bacan.

Ahi, Costantin, convertere di cuss gran pasiat,

fin che ti baste di flât,

parcè che dopo muart no è più redenzie; laviti la coscienza

e, mea culpa, ripett, simpri batinti il pett,

mea culpa, bon signor, se mi è saltat il griv

(come sneed a tross) che san me nance un tross (1)

di volè fa il Dotor e il Poete sun quatri li par li

(1) il viarsset in cursiv, cul gross panson, le robe dal sac de Costantin... in buina fede,

VINCENZO LUGGARDI, genent responsab